

## اداره خانه

باب عالی جاده سنده دائره مخصوصه

## آبونه سرائطی

ممالك عثمانیه ده سنه لکی (۶۵)، التي  
آیلغی (۴۵) غروشدرد. ممالك اجنبیه ده  
سنه لکی (۱۷)، آلتی آیلغی (۹) قرانقدرد.  
[ایضاحات: نسخه سی الی پاره، آلتی  
آیلغی بر جلد، هر جلد ۲۶ نسخه در.]

## اخطارات

§ آبونه بدلی پشیندر.  
§ آدرس تبدیلنده قرق پاره لک  
پول کوندرملی در.  
§ مسلكه موافق آثار مع المصنویه  
قبول اولنور. درج ایدیلمه یین یازیلار  
اعاده اولونماز.

# کتابخانه

۱۳۳۰ ۱۳۳۱ ۱۳۳۲

دینی، علمی، ادبی، سیاسی هفته لک مجموعه اسلامیه در

## اخطارات

رساله مزردن آلتدیغی کوسترلک شرطیه  
بتون یازیلار هر هانکی بر غزته طرفندن  
اقتباس اولونه بیلیر.

§

مکتوبلرک، امضالرک واضح و اوقوناقلی  
اولمسی و آبونه صره نومروسنی محتوی  
بولونمسی؛

§

ممالك اجنبیه ایچون آبونه اولانلرک  
آدرس لرینک فرانسزجه سی ده یازلمسی؛

§

پاره کوندردلکی زمان نه یه دائر اولدیغنک  
واضحاً بیلدیرلمسی رجا اولنور.

عدد ۲۵۰

۲۱ رجب شریف ۱۳۳۱

پنجشنبه

۱۳ حزیران ۱۳۲۹

جلد ۱۰

ذاتمه هم بر سودیکم، هم دخی بیلیم که کیمدر سودیکم « ذوق شاعرانه سبیل  
رمن حقیقت بیورمشلردی .

سروحدتی تصدیقه توأم اولان عبادتک اوامرالتهیه تطبیق حرکتله اعتلای  
روح، اکتساب فضیله عزیمتله سلامت حیات ملیه مزی آرایه لم. چونکه انسان  
دوشدیک یردن قاقار. سپهری آچیلش کلر، یاسمنلرله مطرا، زینتی آداب  
وتواضع دیبالیه مفروض او حرمسرایک دروازه محشمی، باب استغفاری هنوز  
کشاده در. کوثر معنا آقار حوضلری، فیض جاودانی چاغلار بلور سلسیللری .  
حقیقت سویلر بلبلاری هنوز موجوددر .

فتون جدیده نك اکتساب ابتدیی درجه اعتباریه کنج فکرلرک حاصل  
ابتدیی نزاکتله موافق بر صورتده دقایق علمیه دینه ایله نلیلرینی طوبوره حق،  
علمیه جدأ عامل واعظ وعلما. مبحث الهیاته سیر سلوک کورمش وطبقات  
اذواق لدنیه یی طامش صاحب کال ذوات ایله لدنیات اسلامییه یی تلقین وتطهین  
وعقاید ماتی تأیید ایدلم. اولادلر مترك تربیه دینه ایله قابلیت روحیه سی توسیع  
وتحکیم ایدیلرک تهیه ایدیلرک زمین فکرلرینه تخم معارف اکلم تاکه  
روحلری، نظرلری، قلبلری، فکرلری بر اولان افراددن متشکل تمثال  
معنوی. ملئک هر عطف لحاظه سی مؤدای جلالت، هر عزیمتی منتج موفقیته .  
هر طوری اعلا یلیت ایلش اولسون .

### امین مسی

### ادبیات :

### برلوحه الحاد

شو کوچوک ایرماقرله باقکیز: اورمانلری، وادیلری، داغلری کچه رک،  
گاه ساکن، گاه اوچوروملردن بایرلردن، طاشلردن آتلیه رق، فشافشله،  
رمزملر وجوده کتیره رک نه کوزل آقورلر. انسانلر، بو اوفاق صولر  
اهیت ویرمامش، شکایتلرینی، زمزمه لری، قایالردن آغاچلردن بشقه کیمسه  
دیگله مز، توکنمز شعرلر نشاد ایدن کریان شلاله لری طاشلر اوسقنده قیریلر،  
داغیلر، خنجرقلری سکوت ایلچنده اریر، کیدر. صایغیلی مینی مینی قوشلر، ایلچدکلی  
بر قاج دامله صویک بدلی اوله رق، اره صره نغمه لر او قورلر، بعضاده روزکار  
ادرمانلردن، چیچکلردن طوبلادیغی خوش قووقلری تقدیم ایدره رک دورغون یوزینی  
یاواشجه اوپر. بو کوچوک ایرماقرلر عجا نزهه کیدیور؟ .. بونلر صریش سرعتیه  
آقارلر. قارا کلک اورمانلری، ییشیل چایرلری کچرلر. سیاه داغلری آشارلر.  
بیاض کوبوکلکی چاغلایانلر اراقندن صوکره کنیش برادوده برلشیرلر. شمدی  
بو کوچوک صولر بر ایرماق دکل، قوجه برنهردر. .. محشم، مغرور، بر  
رفتار ایله جریان ایدر، کچدیکی یرلرده فیض وحیات ویرر. .. طغیان ابتدیی  
زمان بیاض کوبوکلکی متهور دالغله لری اولوم فیشقیر، اوکته کچن قیلری،  
آغاچلری کوکندن قویاریر. آتار، قارشوسنده هیچ برحائل مقاومت ایدمه ز:  
ورور، قیرا، ییقار. .. ایشته: الواح طبیعتدن بر لوحه اتحاد! ..  
ای خرتیان آیاقلری آلتنده چیکنی عالم اسلام! .. یتر بو ذلت! ..  
طغیانلرک دیارالحادی بوغسون! .. جوش و خروشکدن قاتل صلیب تتره سین! ..  
بیلدیرم اول: سیق! .. آتش اول یاق! .. اتحاد کزد داغلری دهو برچک،  
زنجیرلری قیراجقدر. ....

معنوسنه حاکم، دیکری عافیتنه خادم دیانت وطبابت کبی ایکی علمه شدت احتیاجدن  
انسان هیچ بر وقت وارسته اوله ماز .

فضائل وحقایق انسانیه ضیا قدر صاف، نورقدر واضح بر ستون محشم کبی  
ارضدن قبه سایه طوغری، یوکسلور. انسانلر محسن خلقیه ایلله متحلی اولدقجه  
روحلری سی حقیقته ترفع واعتلا ایدر. حقیقت روحیه سی کشفات احوال  
نفسانیه دن تجرید ایدمه میالرحیات فانیه یی استحقار ایدمه زلر. عالم حقیقته خیری  
اولمایان بر کیمسه نك عالم انسانیه خدمتی تقلیددن عبارت قالور. معتقد بر عسکر  
حیات ابدیه سی حیات مستعارینه فدا ایدمه زلر. حیات حقیقیه یی اکتساب ایدن  
ملئک باصدیغی طور اراق ملک ابدیسی، ظفر آتک پیک ازیلسیدر .

حقایق جلیله قرآنیه نك درجه علوتی اوکنده سرفرو برده توقیر اولان  
وتناعت وجدانیه لری اوطبقات عالیه حقانیه تأمین ایتمش بولنان اورویا اعظم  
رجالندن وباشلوجه لرندن ( غوته ) نامنده فاضل شهرک ادبیات شرقیه اوزرنده  
وقوعبولان تدقیقاتنده قرآن کریم ایچون آیردینی فصلنده اوامر واحکام جلیله  
قرآنیه نك علوتندن بختله بیلمدیکی بر قوه جاذبه نك او کتاب مقدسک موقع بلند  
ورفیمی قارشوسنده انسانی جذب ایدره رک متعبر وحرمته مجبور بر اقدیغی  
یازیور .

کذلک سیر عاشقانه وادیسنک اورویاچه هنوز محرکی تعین ایدیه مامش بر  
سیاره حکمنده کوستریلان داهی شهرلامارینک رافائل نامنده کی اثر ایدیسنده  
« جناب حقک سر وحدت وعبادت حس طبیعیسی قلبه القا ایتمکدن مقصد جلیل  
کرك ( کنت کنزاً مخفياً الخ ) مال منیقی وجهله کنبدینک کنز مخفی اولدیغی  
مخلوقاتنه بیلدیرمک وکرك کنبدینه حرمت وتقديس ایتدیرمکدن هانکیسی اولورسه  
اولسون انسان جناب حق دوشونجه بو ایکی حس طبیعی یعنی سر وحدتله برابر  
عبادت حسلری بر ایدمه تبادر ایلر. « دیمشدر. اترك دیکر بر یرنده ده « هر  
حاله عبادت انسانلرک اک بیوک امتیازیدر. زیراخالقنه مناجات ایچون بیکانه  
واسطه اودر. « یولنده تصریح قناعت وجدان ایدیور .

اسلامیتک مانع ترقی اولدیغی ادعا ایدنلرله قارشو اورویا لیلرک الآن تتبع  
ایتمکدن کندیلرینی آله مدقلری صنایع ومعماراتی نقطه نظرندن هربری بر  
کلدسته عرفان اولان آثار دقیقه هندسیه لری وهربری بر طرز اعجاز کارانده  
یاپلش جوامع ومبانی قدیمه ده کی ستون وجینی وسازه کی بدایع مشمشه نك  
صانعی مسلمانلر اولدیغی سوبلک کافیدر. ( لیس للانسان الاماسی ) دستور  
معظمیله تشریق مساعی ایدن بر دین جلیک مانع ترقی اولدیغی ادعا ایتمک کبی  
واهی بر سوز تصور اوله ماز. اورویا لیلرک بزه اسناد ایتدکلی تعصبه کلنجه  
هنوز دومان اوستونده تمیزیه ماصدق اولان بالقان محاربه سی اسنادات واقعه یه  
بز دکل، بلکه کندیلری ایق اولدیغی من طرف اه واسع مقیاسده بزه کوسترلمش  
بر دلیل جلیدر .

حقایق دینه مزی وایولده یازلان آناری تدقیق ایلله قناعت وجدانیه مزی  
تأمین ایتمه دن فلاسفه نك روحی دکل، بلکه نفسی آوددیجی کتابلرینی تدقیق  
ایتمه لم. دیانت اسلامیه نك فلسفه وحکمتی اوزرنده یازلمش متعدد آثار واردر.  
شعرا ذوی الاحترام اسلامیه دن هانکیسنک بر شعری، منظومه سی اوقومش  
اولسه ق علوت روحنک فضای حقیقته آهنگ سیرینی کورورز. مثلا غالب  
ددنک معراج سنده: « ازهرچه کویم هست ازخود خبرم چون نیست  
ازهرچه کویم نیست یا اونظرم چون هست » یعنی جذاب واجب الوجود  
حضرت ترینه فصل واردر دیه بیلورمکه کندمدن خبر یوق. فصل انکار ایدمه بیلورمکه  
نظرم انکله در. کذلک حضرت مولانا نك: « این سخنها که از عقل کاست  
بوی آن کازار و صحن سنبست » منبغی عقل کل اولان بو سوزلر کازار  
و سنبستان وحدتک رایجه لریدر دیکر بر یتنده: « آفتاب  
مهرتقا نقل نیست مشرق اوغیرجان وعقل نیست » شمس معرفت ایچون نقل  
یوقدر. اونک مطلع و مشرق عقل وروحدر. مألرند کی اشعار. دهامثال عبده سی  
قلبزی بقیته سوق ایدمه جک قوت معنایی وحق بیان حکمتی تمامیه محشودر. یکنلرده  
شعرا حاضر مزدن سرنامه افتخارمز عبدالحق حامد نك افندی حضرتلرینک  
رساله موقوته دن برنده منظور شکرانم اولان بر منظومه سنده: « هم ایکی